



San Josemaría Escrivá Tagtukod Sang Opus Dei PANGAMUYO

O Dios, paagi sa Dalayawon nga Birhen Maria, ikaw nagbugay sang madamo nga grasya sa imo pari nga si San Josemaría. Ginpili mo siya nga labi ka matinumanon nga instrumento sa pagtukod sang Opus Dei, isa ka pama-agip sa pagpakabala-an sa matag-adlaw nga hilikuton kag sa pagtuman sang mga ordinaryo nga mga katungdanan sang isa ka Kristiyano. Tuguti nga akon man matun-an ang pagbaylo sang tanan nga mga sirkumstansya kag mga hitabo sa akon kabuhi nga mangin oportunidad sa paghigugma sa imo kag sa pag-alagad sa Simbahan, sa Santo Papa, kag sa tanan nga mga kalag, nga may kalipay kag pagkabunayag, nagapasanag sang mga alagyan diri sa duta nga may pagtuo kag paghigugma. Paagi sa pagpatigayon ni San Josemaría, ibugay sa akon ang pabor nga akon ginapangayo (diri ipabutyag ang imo ginapangayo). Amen.

Amay Namon, Maghimaya Ka Maria, Himaya Sa Amay.

"Kon sa diin ang imo mga handum, ang imo trabaho, ang imo gugma, amo ina ang lugar para sa imo matag-adlaw nga pagsugata kay Kristo. Ara dira sa tunga sang pinakamateryal nga mga bagay sa kalibutan nga dapat naton pakasantoson ang aton kaugalingon, sa pagserbisyo sa Dios kag sa tanan nga tawo. Ang langit kag ang duta halos naga angot, mga anak ko, sa dulonan sang inyo pananawan. Apang kon sa diin gid sila naga angot ara dira sa inyo mga tagipuso-on, kon inyo pakasantoson ang inyo matag-adlaw nga mga kabuhi ..."

—San Josemaría Escrivá, halin sa homiliya *Passionately Loving the World*, Oktubre 8, 1967.

Si San Josemaría Escrivá natawo sang Enero 9, 1902, sa Barbastro, sa Espanya. Gin ordinahan siya sa pagka pari sang Marso 28, 1925, sa Saragossa. Sang Oktubre 2, 1928, paagi sa bala-an nga inspirasyon, iya gintukod ang Opus Dei. Sang Hunyo 26, 1975, siya napatay sing hinali sa Roma sa kwarto sa diin siya naga obra, matapos sang mahigugmaon nga pagtulok sa larawan sang Aton Iloy. Ang Opus Dei sadto naglapta na sa lima ka parte sang kalibutan, nga may subra sa 60,000 ka mga miyembro sa 80 ka mga nasyones, nga naga alagad sa Simbahan nga may isa ka balatyagon sang bug-os nga paghiusa sa Santo Papa kag mga Obispo kasubong sang kinaugalian ni San Josemaría. Ang Bala-an nga Santo Papa Juan Pablo II nagkanonisar sa Tagtukod sang Opus Dei sa Roma sang Oktubre 6, 2002. Ang iya fiesta gina saulog sa Hunyo 26. Ang lawas ni San Josemaría nahamtang sa Prelatic Church of Our Lady of Peace, sa Viale Bruno Buozzi 75, sa Roma.

Sa dugang nga kasayuran sa kay San Josemaría Escrivá:
www.opusdei.ph • www.josemariaescriva.info

Ang tanan nga nakabaton mga pabor paagi sa pagpatigayon ni San Josemaría Escrivá ginapangabay sa pagpahibalo sa Prelature of Opus Dei, Office for the Causes of Saints, sa 20 Sampaguita St. cor. Balete Drive, 1112 New Manila, Quezon City.
Email: ocs@opusdei.ph

May pahanugot ecclesiastical.